

§. 3.

Mornæus quidem citat, quos nudâ intellectus perspicacitate, in cognitionem mysterii profectos sibi imaginatur, utpote Zoaroastren (cùm duo pluresve fuerint ejusdem nominis, uter sit, conjecturâ opus erit) sic perhibentem: *Pater perfecit omnia, & tradidit secundâ Menti, quam universum genus humanum tanquam primum colit; ubi per Secundam Mentem DEUM Filium innuere videtur*: Prætereâ Plethonem Gemistum Platicum, hisce usum verbis: *Qui Patrem sequitur, & à Patre genitus est, quemq; multi primum arbitrati sunt, quia DEUS per eum creavit mundum*: Mercuriam Trismegistum, sic pronunciantem: *DEUS, qui intellectus est, & vita & lumen, λόγον s. Verbum peperit, qui quidem intellectus alter est omnium opifex, unâq; cum illo, & alium, qui DEUS igneus & divinitas Spiritus est*. Similia refert Scaliger de Platicis quibusdam: *Cum de magnitudine, inquit, DEI scriberet Proclus, Jamblichus, Porphyrius, Plotinus, penè ubiq; tria statuerunt, quæ ab illis ita digesta sunt: τὸ πρῶτον ἐν, ὁ ὄντων ἐν πάντων. Ψυχὴ ἐν καὶ πάντων: quia DEUS sit τὸ πρῶτον ἐν, neq; aliud, quam causa, qui cum creat, creat per ὄντων, est ergo ὄντων creator, idcirco faciunt illum esse omnia; anima verò gubernatrix est, minus simplex & remotior à principio: ideo ὄντων absq; conjunctione, ἐν πάντων, anima cum conjunctione, ἐν καὶ πάντων, propterea quòd rectionis officium accipit à Creatore, & posterior est; hætenus Scaliger*. Triceps insuper in hunc usq; diem Chineses Idolum habent, unò corpore tria gerens capita, vultibus invicem amicè conspicientibus, de quò ajunt, idem velle & idem nolle his inesse; quod ipsum non obscurum DEI ter maximi inter illos extat indicium.

§. 4.

Verùm sicut in illos ipse ibidem statim animadvertit subtilissimus, & haud semel errasse, ostendit, dum Mentem mox dixerint αἰώνιον, mox alibi habere in se aliquid κρείττον & αἰώνιον, mox DEUM seu Patrem παλαιώνιον, ac si antecessisset ævum Filii, ψυχῶν gubernatricem autem s. Spiritum Sanctum longè faciant utròq; inferiorem: ita tam isti quàm illi, quos in scenam produxit Mornæus, vel

vel